

PL

2698

H7866

A16

1734

vib

卷之四

文清公薛先生文集卷之九

門人關西張鼎校正編輯

律詩

夏日簡焦羅陳張四侍御

長夏飛霜几硯清
公餘景物稱詩情
絲絲綠柳迎風細
灼灼紅葵向日傾
憲度已懸昭典則
官僚况復盛才英
運開五百時難遇
願竭忠忱答聖明

挽李處士

鶴去蕪城不可招
海天涼月夜蕭蕭
誰從載酒尋山寺
無復携筇過野橋
黃髮交游紛雨泣
白楊阡壠颯

風飈賢郎驄馬推恩日定有鸞封下九霄

送林鄭州厚

報政三年足好音南歸五馬正騷騷一麾共仰重臨
德累試爭誇百鍊金芍藥有風成雅俗其棠無土翳
清陰郡齋畫永多佳思頻寄新詩慰別心

樓上

都門樓閣倚中天暇日登臨思渺然樹繞西山濃著
雨地連東海淡浮烟塵消綺陌填車馬杳煖歌臺醉
管絃獨有道人清似鶴謾從華表記歸年

送士悅浙江憲副

推轂年多老豸冠分符長越見才難橫金已覺新恩
重衣繡仍爲故里還破浪樓船秋水濶飛霜憲節海
風寒懸知到處山川好行部應須次第看

歸到有感

連岡北下是吾廬幾載歸來覓舊居手種孫桐高院
落家傳喬木上霄衢喪亡已是傷朋輩凋瘵那堪甚
里閭獨立秋風看秋色欲將心事問詩書

河汾逢王存紀叅政二首

京師一別幾經秋汾水相逢話舊遊
相府久傳名譽美薇垣今見事功優
典衣祗擬通宵飲授轄都無半

日留又復匆匆成兩地朔風何處送鳴騶

索居殊覺故交稀忽見同官老繡衣霖雨方看薇省
作清霜猶憶柏臺飛論詩款款傾壺蟻話舊頻頻剪
燭輝壯志未酬知己共相期白首莫相違

酬辛儼先生見寄

先生歸老大河濱三十年來信始聞鄉北鄭公瞻舊
德經傳邵學挹清芬碧鷄傾蓋時雖久錦鯉通書意
更真見說門牆桃李盛不知誰在舜城春

示勝子

勝子行將至立年光陰莫使暫虛延收心切要存天

理閉戶常須閱簡編玉不磨礪難作器人非問學豈
成賢汝親願汝爲君子朝夕應須念此言

示京子

京子年今十七時青春正好力書詩兒童氣象都無
異問學薰陶始見奇道大必先行孝弟業荒須切戒
遊嬉老來善惡由今日汝父之言汝細思

示昌子

昌子今雖十歲餘聖功元自養蒙初莫求俗輩梨蕪
栗須讀前人詩與書抄手出門母浪戲正襟掩戶要
端居汝親願汝身長口頭角崢嶸與衆殊

過郭林宗墓

幾經滄海變桑田孤塚常留古道邊
彩鳳自應鳴曉日冥鴻終擬沒秋烟
關河迢遞膺州隔江漢空茫稗
信傳千載有碑應不愧路人猶自識高賢

題張侍御質魯齋

混沌那堪七鑿餘紛紛巧智定何如
壁完太璞應無價學到希夷始似愚
往哲每能存本領斯人有意篤
詩書試論質魯齋中事一唯方能味道腴

題何郎中卷

粉署郎官詔許歸都門祖席俗增輝
九天光逐迴鸞

勢三峽雲隨畫鷁飛
慈竹浦庭浮曉色
芳花統戶
春暉一門喜氣深
如海萬里江流接帝畿

挽王庭遂處士

靜中應自識先幾
寄迹醫門識者稀
野質早時經水鑑
閑身終老製荷衣
交游祇擬論心久
生死寧知與願違
潞水秋風梁苑月
定從白鶴往來飛

挽舒大尹二首

江右風流屬老成
江天俄復暗郎星
人傳詩禮誇賢子
遙想儀刑律後生
耆舊空悲當日社
循良猶識昔時名
懸知斧屋秋烟裏
應有高人爲刻銘

西風鶴唳楚天蒼
憔悴儒林吊白楊
花縣辭官悲暮景
菊籬歸老慘秋陽
空餘舊佩銅章暗
不及新頒紫誥香
有子秋官霑寵渥
豐碑行見發幽光

讀易軒爲杜御史賦

風蒲幽軒淨晚襟
韋編三絕在追尋
方看龍馬分奇偶
又見羲圖轉古今
細草初生春逕淺
芳花早落夜庭深
畫前有易君知否
祇信堯夫最苦心

題靜學軒

書牕萬籟絕
器聲有客牕前味
六經止水不波雲影
見太虛無翳月華明
亭亭自可觀人物
擾擾何由悟

性靈誰似南陽老諸葛草廬默識古今情

綵繡堂爲張聰御史賦

山連滄海是金華華榜青林柱史家鶴髮每看傾畫
酒鳳城先已探名花斑衣舞遍三春日繡服裁成五
色霞已見高堂頒紫誥香名留瓦甌鄉誇

送康僉憲四川提學

萬里長江萬里橋錦城樓閣倚青霄昔賢共說山川
秀僉憲寧辭道路遙擬變三巴成雅俗還將五教布
新條好期報政歸來日鳴珮金門候早朝

送高僉憲福建提學

天書捧出大明宮拜命南征使節雄
丹鮮御河楊柳綠馬經山館荔枝紅
七閩人士沾時雨一代文章得古風
未必江山久留滯還期白首夢飛熊

送彭琉食憲廣東提學

儒官新出禁林中手捧天書按廣東
嶺表只今瞻使節番禺從此變華風
霜隨白筆蠻州靜馬過青山瘴雨空
萬里天威應咫尺五雲回首鳳樓重

留別院中諸友

幾年騎馬聽朝雞憲府追蹤愧品題
散木自知非偉器青雲何幸陟仙梯
已逢盛世無裨補更接英僚惜

肝携便捧天書天上去五雲回首是三齊

留別趙彬

知子于今近十年中間消息兩茫然寧知京國相逢處又是都門惜別筵上苑榴花偏向日官河楊柳正含烟臨岐握手無他語願駕清脩繼往賢

留別姚克脩御史

交情方斷昔人金班馬俄聞載路音郡邑行看東魯近衣冠祇隔內臺深朝中綈侶思同入海上仙山憶獨臨壯志擬磨三尺劍分携寧遣鬢霜侵

題薛希璉耕樂卷

旭日初升布谷鳴春郊耒耜動春聲溝溪引水來時
滿綠野爲菑望處平田租有靈開稔歲天民何幸樂
生成東阡南陌相過處擊壤歌中荅聖明

祇命山東

手捧天書出禁中又乘驄馬按山東秋烟荏苒連滄
海曉日熹微見岱宗已沐聖明新化雨乃瞻鄒魯舊
儒風小臣謬忝咨詢職願得英賢佐九重

遊靈岩寺

靈岩有路入烟霞臺殿高低釋子家風滿廬前飄墜
葉水流絕澗泛空花青松閱世風霜古翠石題名歲

月跡誰無生真可學山中亦自有年華

宿靈岩寺

梵宇深沉夜景遲僧房禪榻果幽奇竹鳴虛牖風過處
霜落寒岩月上時紙帳燭光團白玉石爐香爇雪
青絲紅塵馬首明朝別只恐山靈解勒移

秋日靈岩道中

路入山門景便幽高風不斷石林秋照人霜葉紅於
染拂袖嵐光翠欲流幾過野橋橫絕澗遙從古剎見
高樓北峰直欲天相接更擬攀蘿到上頭

寄李太亨太守

會面京華兩過秋。又從海岱望揚州。澄清志操知吾
劣。出守聲名覺子優。華館定閑徐孺榻。清池誰共李
膺州。如何千里音書絕。不信交游是白頭。

題李廷珪僉憲嵩洛漁樵卷

蒲門奕世古中州。洛水嵩山總舊遊。見說研雲開鳥
道。還聞過月泛漁舟。自趨紫閣來烏府。空使青雲伴
白鷗。老去披圖思往事。幾回飛興到林丘。

松林書舍卷爲李方伯題

四簷偃蓋碧重重。棟架牙籤落影中。萬石礧礧滄海
近。斗窓涼月雪山通。潤雲瑤席霏霏雨。響徹珠絃細

紉風好結歲寒枝
移松莫教飛渡逐塵蹤

題楊舍人畫堂

惆悵高堂罷綵衣
空山回首斷雲飛
梧桐井邑秋風老
脩竹園林夕露微
紫氣天邊鸞下疾
白楊隴上鶴歸遲
柏臺有子情何似
厭聽庭烏叶落暉

題觀風圖

九重深詔遣星軺
使者觀風郡國遙
木末逐雕輪隨地
遠山開錦障扶天
高嚴城樹杪門初
落候吏花邊馬不
驕
萬里咨詢皆帝力
生民隨處樂耕樵

高唐道中寄李廷珪舍憲

西來隨處問先生見說分符到博平
蒲路風花頻縱目一川烟柳最關情
白頭每羨丹心壯綠鬢誰知素節明
高論細聽應有口擬分華榻共春燈

與孫大參韓憲副同按部別後寄此

分符同出濟南城攬轡東風並馬行
逸興細看花柳色高談深合古今情
別來併覺新春暮到處頻看缺月盈
絕似當年傾盞者更期樽酒話平生

寄孫韓二公

憶過春風十里亭二君攜酒玉爲瓶
小桃正吐樽前事嬌鶯初傳戶外聲
如此風光留客飲幾多懷抱向

人傾行望此夕忽相憶謾掩重門惟月明

懷李廷珪用前詩末句起韻并書于壁

擬分華榻共春燈到日先生去博平別鶴行雲那有
迹落花飛絮倍多情空憐皓月明朱幌尚自餘香爇
畫屏我復東西南北去壁間留語候歸旌

次壽鄧即中母韻二首

白歲星霜是永年七閩閨教最稱賢自期西日堪留
挽不信南山可變遷白髮已看封紫誥綠衣時復奉
車筵故應志節高如許贏得人間福壽全

秋霜勁節自年年誰似清門鄧母賢半世成家遭感

愴一生教子見超遷恩隨紫誥來華屋春滿紅螺泛
繡筵青簡上頭書次第香名留瓦古今全

詠新竹

知是乾坤一氣催蒲林新笋迸蒼苔抽梢漸欲侵雲
漢解籀時應傍憲臺已覺清風連座起更搖疎雨到
牕來相看盡日添新興白筆新詩爲爾裁

樂陵道中

樂陵東去古堤長野水村烟共渺茫遠海大空初
鴈大田秋老未經霜鐵冠十載心如昨憲節雙持
欲蒼攬轡悠悠思往事趨朝曾對御爐香

長白山懷古

山迴長白重經過十世懷賢意若何
飯粥事空荒古寺讀書聲歇暗烟蘿
中朝德業應難及西夏勲名更不磨
向晚憑誰話憂樂栢臺清夜月明多

金臺送別爲李進都指揮賦二首

纔將虎旅衛天居又擁雕戈出帝都
部伍散行秋野濶旌旗斜捲暮雲孤
扶桑分閫封圻近枕杜連歌雨露餘
壯節封侯應有日青雲回首是長途

虎將承恩出九重紫泥封帶御香濃
離筵濟濟都門酒征馬蕭蕭別路風
雄鎮行看滄海近歸旌遙指岱

山崇太平分閫渾閑事萬里封侯慷慨中

泰安州重寄李太守

去年岱麓題詩寄岱麓逢人又寄詩
削竹已當耆艾日解龜仍及聖明時
青山總有歸來約黎首其如去後思
愧我年年持憲節消埃無補欲何爲

海上道中述懷

馬首東來幾月頻西歸猶及艷陽春
風烟滿目羣山秀花柳無邊雨露新
四海甄陶明聖主萬家耕鑿太平民
勅天下古遺風在每抱丹心戀紫宸

丹青快覩鳳凰書春與天恩滿八區不獨山東扶杖
聽還應海內効高呼衣冠濟濟風雲際花柳欣欣雨
露餘栢府微臣瞻盛事載馳忠懇戀皇都

次黃仲芳韻二首

京華偶爾論斯文知是游心出聖門風度恍如瞻玉
樹清談藹若挹芳蓀薇垣三載時名大花縣多年舊
澤存愧我無能以憲節參同述職荷天恩

薇省分符重黑頭天官考績冠時流趨朝曉日辭丹
鳳去路西風躍紫駟自昔藩維求俊傑只今典禮尚
虞周都門此別須珍重還擬經邦贊大猷

送王秀才省兄歸京師

華下住高秋氣多大明湖水落霜波山川風景今如此兄弟分携意若何憲府已應持玉節親闈長是近鑾坡明年二月春光好更憶金臺有鴈過

送李永年大叅致仕十首

四朝出入受恩多詔許南歸意若何路繞青齊驪騎遠水通淮海盡船過故園到日收禾黍別墅經年長薜蘿父老傾懷看白髮兒童佐酒發清歌

七十懸車古亦稀明時乞得健身歸朝廷已自優黃髮鄉里無勞羨錦衣碧水紉通裁藥圃青山閑繞釣

魚鱗江南事事皆堪樂莫道流年寶劍還
歷下山川入畫圖西門悵別指征途已知聖代優
老還似當年錢二疏歸路遠應經鐵柱名山行復見
香爐江南江北相思處鴻鴈來時好寄書
黃甲聲名四十年薇垣粉署共稱賢方看薦鶚陞三
事又乞歸身別九天恩詔近從丹闕降使車遙向碧
山懸耆英莫謾誇中洛江右風流也自傳
白髮明時老大臣封章幾上乞歸頻四朝寵覺腰金
重三代恩霑絲誥新花發薇垣成遠夢潮平楊子足
通津到家正值秋光好黃菊東籬有故人

已向明時早拂衣家山回首興如飛丹心老去聲名
大白髮歸來故舊稀幾處共崇留畫省統門楊柳蔭
苔磯惟應野老來爭席坐蒹沙鷗伴夕暉

聞道江南景物嘉薇垣有客正思家池塘夜雨翻荷
葉籬落秋香散稻花德譽尚爲清論重儀刑應有正
人誇歐公魯寧歸田錄好繼遺芳播邇遐

梁苑登科二十年乘驄頻與歲時遷忽逢先達青雲
上已足門生白髮前盛世澄清慚我劣明時歸老義
公賢追隨冠蓋城西別心遂行舟入楚天

纔捧除書拜好官又承恩詔許南還人辭歷下山光

遠船過真州水面寬松菊未荒三徑在衣冠不改一
身閑推思更有新鸞語留與家門久遠看
邂逅東藩僅一年先生何事著歸鞭曾聞碧岫雲藏
屋見說清溪月滿船歸老會尋山水樂聲名不讓古
今賢遙知林下徜徉處猶起丹心憶九天

泛舟思親

天地無窮水自流
髫年已侍二親遊
中原道路曾驅馬
江漢波濤更泛舟
孤藐光榮叨憲節
音容寂寞闕松楸
千思萬想情何極
日送飛雲到故丘

送夏希純郎中歸南京

雲路分飛二十年相逢長髮各蒼然
栢臺直指心如舊粉署卽官職又遷
北闕九霄瞻曉日南風五兩送歸船
帝京到日多佳興虎踞龍蟠入望邊

秋日東平道中

齊魯西風草樹秋川原高下過東州
道邊白鶴來華表陌上蒼麟卧古丘
九曲半應非禹迹三山何處是仙洲
經行俯仰成今昔却憶當年賦遠遊

過五道嶺

峰嶺連連接岱宗路從絕頂度華驄
餘寒常帶陰崖雪爽氣仍飄霽壑風
春入驛亭嚴候吏雲隨憲節降

山室方巡每歲叨天寵長見車書海宇同

寧陽行臺元夕憶黃憲使

曾憶觀燈宴後堂玉杯行酒夜何長
新聲已覺隨銀甲逸響還驚繞畫梁
東道留賓能閉戶諸郎喜客解牽裳
別來好景逢元夕空向行臺對月光

沂濱書舍爲曲阜令孔公堂賦

魯城南畔碧溪頭結屋藏書事事幽
入戶日光浮野馬隔簾波影漾沙鷗
真傳已覺千年遠大道還從六籍求
聞說沂當此地春風有約事追遊

兗州道中

不食卷之九
十四
敷土名傳舊兗州山川遺跡快追遊
泗沂東解淚猶淺堯嶧春回翠欲流
野火碑餘秦相國闕宮詩頌魯諸侯
懸知兄父當年志夢寐長思見盛周

和壁間虞伯生臯字韻

中書幾禿管城毫盡日抄書未覺勞
但得文章如布帛不須詩句比金膏
淳厖每憶黃輿厚玄鑒深期碧漢高
莫道知音人世少有魚潛渚鶴鳴臯

送陳都憲鎮關中三首

四朝風紀受恩深又見西行捧德音
天上神仙知暫別關中父老喜重臨
成閔節伍清河山地遠桑麻接

幸臨到處行瑩懷帝闕封章還擬罄丹心
中丞斧鉞下青霄重鎮關中別路遙
衛水樓船春解纜峻陵驄馬曉揚鑣
諸軍共仰新旌節列郡仍遵舊教條
想是歸期應不遠朝元有約聽簫韶
九重深念及西人出鎮還須老大臣
憲節入關隨爽氣璽書行郡布陽春
山連玉井晴飛雨地接金城迥不塵
經濟本爲儒者事功成還擬畫麒麟

送金都憲鎮寧夏二首

大夫承詔出皇州西夏山川是壯遊
笳鼓盡迎新憲節風霜仍肅舊貔貅
久知河隴諸蕃靜又見崆峒三

麥收總賴廟謀清四海不須樽俎借前籌
西行紫誥帶新泥慈嶺河隍入馬蹄列鎮久應烽火
息連屯惟見稻秧齊遠通貢篚來天外直布皇風到
海西萬里成功歸有日青雲滿眼是丹梯

送盧都憲鎮守寧夏二首

明時出鎮得才難莫厭經行萬里間玉節初辭青瑣
闥霜風先到賀蘭山關河控帶黃塵靜蕃落耕耘綠
野閑入覲天顏應咫尺不須頻看寶刀環

同年於我最相親憲府乘驄邁等倫正是趨朝承雨露
又看持節出風塵山川迢遞行時舊旌旆旆悠揚到

日新暫撫西陲歸有日看花潯及鳳城春

出京師二首

孤臣泣血省愆尤詔釋羈縲出鳳州
滿日山光迎馬首一鞭歸思繞林丘
罷官已是安時命報國空礪不
自壽遙想到家春已暮麥黃蚕老稊盈囀
久知擣散是非才廿載超遷歷寺臺
松柏每期冬雪茂杏花不逐艷陽開
數莖白髮還禁老一寸丹心未
覺灰此日爲農歸故里河汾歲晚興悠哉

患難中海昌李太守數書問及詩以報之

知己情深數寄書問吾行止近何如
買車已上山西

路結屋還依水北居樂意不忘尋簡快生涯祗擬付
耕鋤感君交義高千古遠道何由致報珠

步朱尚寶送行韻用以留別二首

一枕邯鄲夢已醒歸鴻千里拂高冥心期皎日均能
許歌擅陽春我獨聽別去莫驚頭並白相思終是眼
長青河汾故里遺風在爭似當時續六經

驛路春風酒半醒離情花思兩冥冥穿林乳燕深深
去傍柳流鶯細細聽官渡已過潯水碧家山又近太
行青龍門舊業應如昨樵谷漁磯几次經

晚翠軒爲楊大參賦

高人雅有歲寒盟
笑傲華軒寄逸情
最喜竹風當座起
絕憐松雪逼人清
年來勁節心能與
春去繁華眼不驚
若此秋香還共美
擬從良史傳佳名

春日遊禹門

野服歸來野興幽
十年仍遂禹門遊
崖回山路通危棧
峽束洪濤瀉急流
樓結飛甍臨絕漢
宮高華榜煥層丘
鄉人未必知神意
絲管啁啾聒未休

哭少子治

患難歸來始自憐
悲傷何事又相煎
一經賴爾傳先業
二豎嬰人殞少年
遺卷不堪尋舊墨
荒岡忍復見

新阡傷心問寢寒齋夜鴻鴈行中訝失聯

題李麟惜陰卷

連城自古出藍田還道驪珠在九淵
勤苦方能求至寶放情未必得真傳
案頭每見秋螢聚窓裏常知野馬懸
年少惜陰真可畏老予鬢髮已星然

用舊韻酌海寧李太守四首

聞道先生近著書高懷雅興迥難如
蘭栽九畹誰同采竹種千竿自可居
溪水每從晴後釣山田多向雨中鋤
慇懃遠道裁詩寄絕勝驪龍領下珠
焚香繞腹即披書老去無能得自如
青簡尚尋高士

倚白雲還似野人居
秋風嫋子晨供纖細雨
兒童晚荷鋤道不遠人
真可樂何須象罔索玄珠

四千里外一封書
縱有瓊瑤報不如雲水當年思共步
山川此日已安居
霜前聚熟從人打雨後癸荒欲自鋤
白雪調高知和寡
強將魚目比明珠

五馬無勞事簡書
一生行止自如如
宜鴻有意隨高逝
野鳥忘機伴所居
千樹黃柑應自種
一窠青草不須鋤
門臨滄海秋先覺
長見寒光浴曉珠

立秋日

雨晴新漲落汾黃
綠樹風生戶牖涼
跋馬空懷登遠

道聞蟬還喜是吾鄉
離離禾黍東臯近
緲緲雲霞北嶺長
有酒便堪消暇日
流年不管髮成霜

題馮處士卷

忽從羣雜見真淳
誰道今人不古人
四禮每從朱氏教
一門長接孟家鄰
椿庭時雨年年潤
蘭砌光風日日新
青簡會須書行義
高名直與重生親

次何僉憲自學韻二首

阿閣梧桐第一枝
朝陽快覩鳳鳴時
西江才學推虞集
北斗聲名仰退之
直道敢拋君子志
中情還有正人知
青青誰似霜臺柏
聳壑昂霄更有期

天衢早歲躡仙蹤金榜紅霞綢海東陳策漢廷推董
子明刑司寇數蘇公一襟氣與秋天杳千古心涵曉
鏡空兩見名藩持憲節清霜隨處踏春紅

無題

浩浩滄浪水自清曾聞漁父扣舷聲四知稀復思楊
震千載誰能慕屈平得失真如鷗嚇鳳高低應似鷺
嘲鵬何當挽取天河水一洗人間兩眼明

立春日

臘盡殘年冉冉過又逢春日興偏多故應節序經千
古自信行藏老一窩生菜任教纖手送新醪微覺寸

心和乾坤俯仰無窮意閑對東風一放歌

絳守王汝績新學詩以美之

先生爲郡冠諸公興學由來有古風青史無勞稱衛
颯黃堂今復見文翁化行古水弦歌內道在金臺俎
豆中老我河汾遺教遠相思應與此心同

次林文載大叅韻

歲暮相逢晉水頭清宵剪燭話同遊齊名黃甲風雲
濶接武彤池寵渥稠宦達子應思致澤退閑我亦樂
藏脩却憐出處千年事惟有儒門道德優

對雪

聖四野寂無聲
六雪通宵又徹明
在目已應知皓
潔穿簾時復開
輕盈凍凝水底蛟
龍蟄饑厭庭前鳥
雀爭高卧不妨書
舍冷此心元有歲
寒盟

久不作詩偶賦

案頭彩筆倦長吟
陡覺詩情動不禁
渤海盡除當日
氣田園深稱老年
心種瓜已自連東
畛栽漆還應滿
北林汾水晉山無
限好擬逢清景更
登臨

秋日

窓戶涼風似水流
河汾八月又驚秋
寒蛩嘒嘒鳴何
切社燕翩翩去不
留飲水難期前聖
樂乞墦纔免昔

人羞求田問舍安吾老不羨元龍百尺樓

謁伯夷叔齊廟

荒祠古栢首陽阿再拜仁賢感慨多像設一堂還儼
雅草封雙塚正嵯峨心存兄弟難能節力挽君臣欲
逝波世上爭名爭利者高風奈此二公何

過汾陽故里

名與臨淮徃日齊乘輅今過華山西參天老樹荒祠
在遍野新燕舊宅迷將略不須窮玉籍王封寧復數
躬珪中興唐室如公少回想忠賢首屢低

過寇萊公祠

功業澶淵冠宋朝古祠松栢晚蕭蕭儀容不泯維人
祭魂魄何須楚夢招忠義垂聲千古在奸諛遺臭幾
時消老予持節無英計戀闕思賢首重搔

華山

馬首嵯峨見華山三峰削玉最高寒層陰舊接黃河
水秀色長連紫氣關只有烟霞生澗谷總無塵土翳
林巒西還更與山靈約擬上雲梯仔細看

溫泉

唐家天子愛溫泉故起離宮綉嶺前山上朝元金作
閣苑中湯井玉爲蓮錦光曾泛當時水香木頻浮舊

日船賜浴未終輦鼓動苔池留恨自年年

華清宮

天寶承平柰樂何華清宮殿鬱嵯峨朝元閣峻臨秦嶺羯鼓樓高俯渭河玉笛長飄雲外曲霓裳間舞月中歌祇今惟有溫泉水鳴咽聲中感怨多

馬嵬

號令風行遍九州六軍何事此淹留深情祇擬乾坤久絕寵寧知咫尺休劒閣西行山寂寂渭河東去水悠悠路邊三尺妖姬上長帶千秋萬古羞

連雲棧道中四首

以倉西入一門來疊嶂層巒次第開百折長途盤翠
嶺千尋危棧接青崖蒼蒼雲木鳴山鳴泱泱溪泉瀉
石苔持節未應辭路險會清蠻微凱歌迴

莫道西行蜀道難老來深喜縱還觀山從太白連岷
嶺水繞嘉陵出散關石積層崖知地厚路登絕巘覺
天寬驅兵過此思諸葛大節長留宇宙間

重疊峰巒掩映青不登危棧卽溪行氣偏三月山蟬
畔境異千林杜宇鳴寥落人家多板屋蕭條郵舍盡
茅亭因思唐帝西巡日中夜何堪雨打鈴

總角曾從蜀道行今來鬢髮已星星不勝愛國輸忠

念無限思親感舊情林外最憐鸚鵡舌耳邊偏喜杜鵑聲驅馳萬里心何憚但保秋霜分義明

諸葛武侯塚

丞相孤墳何處尋褒城西去漢江陰青蕪漠漠烟橫野翠栢蕭蕭風滿林尚憶出師當日表空歌梁甫舊時吟中原未復星先墜長使英雄慨古今

諸葛武侯廟

武侯遺廟漢江南喬木森森雜翠嵐義感居人猶致祭名聞過客亦停驂運謀圖陳曾爲入遺恨山河尚是三千載英雄今已矣古碑重讀意難堪

過七盤

匆匆行役敢求安
鞍馬經時歷險艱
叱馭纔過九折坂
揮鞭又度七盤山
行當絕頂知天近
下盡層梯覺地寬
却喜漢中頻在望
一川風物自閑閑

漢中寓目

谷盡褒斜覺眼明
漢中如掌一川平
封疆自昔多吞併
龍虎當年幾戰爭
英主築壇曾拜將
忠臣討賊舊屯兵
權豪一去無遺跡
惟見山高水自清

蒼溪

少陵詩裏見蒼溪
今過蒼溪日欲西
駐節驛亭天色

曉維舟江岸浪痕齊風林疑有於菟嘯雲木時聞杜
宇啼橘柚過時黃不見峰巒依舊翠高低

閬中

閬道閬中山水奇今來始得一見之長江縈帶碧浩
渺遠峰環繞青參差竹樹茂密塵不起天宇空濶雲
白移錦屏近郭最明秀佳句還吟子美詩

鹽亭道中

丹度嘉陵見錦屏西行幾驛到鹽亭好山最愛連峰
秀佳木偏憐古柏青老志不移方寸赤遠遊寧怯
羣毛星休誇論蜀相如機千羽深期舞舜庭

送李食都經略敘播

五月樓船發錦江中丞斧鉞靖蠻邦一天勝氣隨龍
勅千里長風捲繡幃定有奇兵擒孟獲不勞飛將斬
王雙朝廷恩信更頒布夷僚行看到處降

與李都憲錦江泛舟

津頭打鼓發官船泛泛清波散曉烟岸轉漸移江上
樹艫搖頻拂鏡中天岷峨西北山重疊吳蜀東南水
接連却艤江亭窮勝觀一樽談笑好風前

錦城端午

錦官城裏遇端陽好事常年憶帝鄉
願扇不知三伏

暑賜衣猶帶九天香却看絕塞孤雲遠閑坐空亭一
雨涼佳節任從流轉在丹心不管鬢毛蒼

答徐廣文二首

三冬文史最精明發軔香名蚤已成政美有才逢治
世却慙無力答昇平鵠鵬還擊三千水鸛鷺終期一
字行會面幾何知又別高談不盡古今情

衆中傑出見才賢文采英英骨氣全傾蓋已知必不
異談經雅覺道無偏擬陳壘壘天人策寧羨悠悠將
相權北上有期還送別爲君沽取酒如泉

夜雨朝來歇怒雷。成都江上畫船開。高低竹樹連村舍。遠近峰巒入望來。鼓枻易傷漁父志。著鞭難覓祖生才。烟波好景空無限。遠思撩人未易裁。

納溪

持節南來幾日留。納溪小縣納溪頭。市衢寥落人何少。憲府荒涼境自幽。六詔雲山隨地遠。三巴烟水接天流。只今溪洞猶多梗。五月南征憶武侯。

永思堂爲賀太守賦

瀘川賀守孝心純。一日何曾忘二親。已痛音容隨化盡。更悲霜露逐時新。情深易感無窮恨。天大難酬罔

極思我亦有親俱早世爲題詩卷淚沾巾

嘉定

嘉州曾作少年遊納納乾坤五十秋四野不移山競
秀三江依舊水重流天高華夏風雲濶地入蠻荒草
樹稠城郭幾歸遼海鶴白雲今古自悠悠

題王醫士東白堂

纔見滄溟浴曉珠俄看倒影上天衢丹爐夜火知全
伏藥室晨光覺漸虛野馬未穿延客榻陽鳥先照活
人書在家早起君休厭屢迹朝來滿戶除

遊青羊宮二首

青羊宮觀鬱崔嵬遠憶函關紫氣來雪嶺地應通
苑錦城江自遠蓬萊萬竿脩竹生玄圃三秀仙芝長
石苔千古誰能識玄牝只疑虛谷有風雷
千年舊是青羊肆今日翻爲老子家金榜半天標觀
閣琅函滿室祭雲霞琪林紅落三秋葉瑤圃黃開九
月花有物混成人罕識會從真境讀南華

諸葛武侯廟十首

萬里橋西有古祠武侯遺像似當時孤臣只擬炎光
振遺恨猶悲漢祚衰統砌綠苔經雨色蒲林蒼柏冒
霜枝祗緣忠義無今古不泯邦人百世思

茅廬枉顧卽依依猶恨當時見面遲
文武才猷天下少君臣契合古來稀
南征纔見功初遂北伐那堪願已違
尚有錦江遺廟在英名千古自光輝

股肱漢室舊宗臣魚水當年意氣親
時節如逢逐鹿日風雲還起卧龍人
出師前後丹心切討賊頻煩大義伸
萬古英名天地在叢祠長近錦江濱

王佐雄才久已聞叢祠今見錦江濱
舊苔歲久漫碑刻風葉秋高打廟門
每有孤忠興漢室可無長策定中原
江山離合寧非數成敗難將往事論

南陽躬稼似天民感敬元因注顧頻
初載叢祠系魏帝

甯還如白水舊真人已從荆益開王業幾欲成秦掃
寇塵層數雖窮遺廟在大名長與歲時新

一時魚水風雲會千載君臣祭祀同鐘鼓尚存當日
廟江山猶統舊時宮畫簷金榜蛟龍出粉壁丹青戶
牖通割據奸雄俱泯滅荒丘誰與酹西風

茅廬抱膝正長吟忽際風雲許與深草昧每存興漢
計艱危肯負托孤心出師表在垂天地八陣圖存慨
古今欲問祠堂何處是錦官城外柏森森

高視乾坤志未酬草廬長嘯意悠悠時才總附奸雄
勢大老還爲漢室謀兩表曾聞辭後主三軍幾欲定

中州伐功未就皆天數錦里英風古廟秋

赤精帝子真苗裔三顧茅廬起卧龍英論已知分鼎
勢長才欲試補天工纔聞遣使過江表又見驅兵出
漢中禮樂未興人已逝古剎松栢撼高風

乾坤不復有斯人間氣奇才絕等倫管樂規模難並
駕伊周事業可相親紅旗幾出褒斜道綠野還耕渭
水濱時去千年猶廟食英風凜凜漢忠臣

御書樓爲吾昌衍叅政賦

古今書賜由中秘藏在君家百尺樓奎耀夜晴通戶
牖芸香風細散簷簷幽篇章總是天人學函藏深爲

老羞從此黃金不須積子孫勤讀繼前脩

蜀中立春遣懷

世態炎涼閱已多老懷今日奈春何一年持節金臺
客萬里通潮錦水波北塞已聞休士馬南荒行復罷
干戈時清若許歸田里願和康衢擊壤歌

春日遣興

閑館春深日正長萋萋春草遍池塘淡雲疎雨梨花
白煖日輕風柳線黃讀易自能窮宇宙賦詩聊爾記
年光錦城風景雖云樂故里關心未可忘

北歸有喜而賦

文集卷之九
駐節西川僅一年北歸思自九重天非才豈敢妨賢
路無補空慙費俸錢爲客載添新白髮到家還閱舊
青編急流勇退應難及千載高風尚凜然

送杜員外歸省還京師

歸省西川未幾時促裝又復上京師榮親已荷褒封
典報國難忘雨露私路夾山花開錦繡棧盤崖樹拂
雲霓遙知紫禁趨朝後粉署從容日正遲

文清公薛先生文集卷之十

門人關西張鼎校正編輯

律詩

詠顏魯公

蓬利何堪屈大才平原出守亦微哉忽逢動地風塵起不使中流砥柱摧爭坐已難追雅論立朝寧畏忤奸回自騎箕尾歸天上長播英風遍九垓

送太守致仕

五馬蕭蕭出帝鄉都門祖席倍輝光天恩老覺腰金重客思遙牽別路長龜虎已應辭郡國貂蟬時復憶

班行風烟縹緲鄉關近川谷猶疑下鳳凰

錦官驛官送櫻桃

錦官驛吏送櫻桃紅顆堆盤磊落高時果已知西蜀
美古詩難覓少陵豪嘗新暫遣中情悅感物還添遠
意勞多少上林鶯啄遍一春歸興正滔滔

草涼樓驛看紅白芍藥

芍藥花開山驛中小圃紅白各分叢濃粧獨向風前
立素質如從月下逢明媚併超塵世色妖嬈均得化
神功誰知傾國傾城者一律滔滔萬古同

過武功縣

持節西來過武功扶桑日上曉光紅
渭河水遠波小
大白山高樹影重遺址已無慈德寺
居人猶說有
卻封東行無限前朝事盡在紅塵綠野中

題休休亭

中條山下王官谷草木烟霞景物幽
仙李固知時靡
靡野亭從此號休休座中爽氣常飄
洒天際浮雲任
去留墜笏已超塵網外高名千古鎮
悠悠

贈張僉憲

邂逅金陵已七年相逢論舊意欣然
江東風紀當時
振山右聲名此日傳綠野盡耕春雨
後清霜早落艷

陽前朝端公道明如日持憲應知數俊賢

挽陳先生

歸來烟水釣舟橫雲白其如足下生尚有菁莪經雨
茂空餘桃李向春榮高情祇許鄉人慕遺事誰從太
史銘賴有賢甥今宦達爲揚聲譽照蒼冥

挽祝處士

鴻去青冥定幾年東吳聲譽至今傳高情未必尋丘
壑清隱還應在市廛竹塢邀賓留舊榻芸牕教子剩
殘編黃門底是推恩處些些詰迴轡下九天

千年豫讓有遺橋懷古還停使者輶季世忠臣存大節
顏波砥柱見孤標吟邊涼吹聲蕭瑟望處秋天影寂寥
無限繁華俱泯滅英名終古自難消

挽蕭御史

共惜西江老豸冠白雲乘去不知還總帷夜捲霜風冷
華屋秋扃曉月寒遺蹟定應歸太史榮名長是在人間
明時有子登三事永感終天淚不乾

述懷

已承恩詔許還山又被虛名繫一官每向班行嗤老醜
空號典籍尚寒酸妨賢政自慙公論竊祿能無愧

素餐早晚還應乞身去石田茅屋伴清歡

河間獻王墓

漢家宗室最稱賢遺事曾經閱簡編偶過河間尋往
跡空餘荒塚帶寒烟頻求千古書連帙獨對三雍策
幾篇雅樂未興人已逝雄歌惟有大風傳

過德州

山東一別十餘秋白髮重來過德州關市尚開臨水
戶郡城猶聳入雲樓霜臺駐節思前度憲府乘轡憶
舊遊此日又騎官馬去剏風吹雪路悠悠

德州除夕

昔捧天書按部來之官又上鳳凰臺頻登鳳紀知庸
德屢陟廷平愧菲才寓館明朝添一歲晴霄此夕飛
三台元正馳賀心何似金殿香浮寶扇開

寄高苑李嗣昌廣文

安邑分携幾十年中間會合總茫然華燈每憶連珠
玉倚席空懷醉管絃顧我已添新白髮知君猶擁舊
青瑣却慙頻歲叨天寵悵望豐城劍氣邊

兗州人日二首

去年西蜀逢人日人日今春客兗州行止可應無定
跡歲華仍復易周流驛亭盡日風頻起官路漫天雪

未休南到彭城祇幾驛天晴擬放呂梁舟
驛亭窓戶總光輝人日紛紛雪亂飛關塞有兵皆凍
合園林無樹不春歸風威肅肅朝來靜雲葉飄飄晚
漸稀清興此時誰與適論心殊覺故交違

孟子祠

鄒國叢祠古道邊蒲林松柏帶蒼烟遠同闕里千年
祀近接宣尼百世傳獨引唐虞談善性力排楊墨絕
狂言功成不讓涇渭水萬古人思命世賢

彭城懷古二首

戲馬臺邊雉堞高參差樓閣入雲霄漕河控引淮黃

近驛路通連海岱遙天府豈知成霸主彭城空復駐
英豪大風折木飛沙日想見天心翊漢朝
當年禹跡舊分州走馬南來遂此遊地勢縈廻環羣
嶺關城峭拔枕黃流燒餘豪傑千年塚春老佳人百
尺樓周覽未能窮往事官河又放下洪舟

雪中過高郵湖

高郵湖裏雪中過雪片無聲點白波天水渺茫遙自
接烟雲香靄暗相和寒簑滿眼漁翁少盡舫隨風去
客多還似滄浪水清濁只應難覓扣舷歌

過邗溝懷古

荒陂野水古刑溝千載曾經煬帝遊
煖日輕風牽錦纜垂楊芳草引龍舟
春殘故國閑金屋花滿蕪城醉玉樓
一自真龍飛晉水亂雲空結海天愁

高郵阻雪

高郵城下維舟楫雨雪連朝阻去程
澤國風烟春冉冉野湖波浪晚冥冥
凍消疎柳長堤濕響徹脩篁候館清
南到大江祇幾驛晴霄行覩鳳凰城

高郵大雪河水

已過立春十五日淮南天氣太嚴凝
重湖晶晶層冰結千里茫茫積雪平
霄漢連朝飛鳥絕官河隨處客

舟停東風解東湏史事波銀難鄰野燒青

自儀真入大江

儀真南入大江隈江上雲帆向曉開
滿目好山青簇簇連天駭浪白皚皚
還思二十年前渡又自三千里外來
北闕承恩方浩瀚之官今上鳳凰臺

寄海寧李太守

又是分携十七年寥寥幾度信音傳
濫官白髮知吾劣歸老青山覺子賢
蠟屐每多登覽興錦囊應有唱酬篇
著書更法春秋筆還肯緘情寄一編

金陵春望四首

錦繡江山一望中
金陵佳氣正葱葱
石城尚踞耽耽
虎鍾阜長蟠矯矯
龍淡靄遠遮三月
柳瑞烟深護萬
年松風流王謝
何須問開國還思舊股肱

金陵最好是新春
風景無邊入望頻
山似洛中浮秀
色水從天上泛通津
千門垂柳初經雨
滿路飛花不起塵
深荷發生同萬物
兩京回首憶楓宸

佳麗層城王氣中
春來無樹不青葱
湖光湛湛跳紅
鯉橋影沉沉卧白龍
錦綉園林開艷杏
烟霞澗谷挺長松
無邊風景皆堪賞
千首新詩興未窮

皇都又是一年春
立馬長堤黯望頻
麗日斜明紅杏

北煖烟輕護綠楊
津風來野水微生
浪雨過天街迥
不塵最愛祥雲呈
五色氤氲長是繞
楓宸

簡張都憲二首

榜題龍虎舊聯名
宦迹升沉隔兩京
離合雖驚頭並
白交親終喜眼俱
青濫登棘寺知無
補峻陟霜臺倍
有聲近得高鄰親
孟氏不妨剪燭話
平生

籍籍朝端有盛名
憲臺周歷兩神京
封章已見輸忠
赤事業還期著汗
青風度宛如瞻玉
樹辭華真是擲
金聲共論三十年
前事聯步青雲滿
路生

周儀賓水筠軒

文集卷之十一
曲闌干外小方塘。塘上蕭蕭繞翠簷。一鏡平開涵影
細。萬竿齊動引風涼。根穿近岸藏科斗。梢接遙空下
鳳凰。水竹雙清曾到此。金樽相對興難忘。

春日遣興簡張都憲廖丁二大理

春來無日不連陰。風物蕭蕭思不禁。雨急梅花飄白
玉。天寒柳線勒黃金。宦情不與江流競。樽酒肯隨人
意深。况是一年寒食近。松楸千里正關心。

再用陰字韻簡張都憲

好風乍起掃輕陰。清思撩人不自禁。與客俱傾花下
酒。放懷寧惜橐中金。高情肯負年華泰。交誼難忘歲

月深春興不知凡幾首長吟因見石人心

送儀尚書赴召二首

天書遠召舊師臣送別金陵喜氣新
莫道分符淹歲月還應聽屨上星辰
一江流水催行棹兩岸垂楊夾去津
三接深期調玉鼎行看雨露萬方勻

尚書承詔上金鑾祖席珊珊擁佩環
霖雨舊曾思傳說師臣今見起甘盤
江淮綠泛行邊水齊魯青餘過處山
入覲定膺新寵錫調元須竭寸心丹

南京端午

端陽令節客南京遷擢頻年荷寵榮
肉扇幾沾當日

文集卷之十一
賜宮衣曾有舊時名從教綠柳含風細且喜紅葵照
眼明爲報鵷行舊知己一卿贏得鬢星星

暑夜簡趙駙馬

大扇頻揮汗不乾那堪酷暑夜漫漫寂無風露徘徊
處空有星河悵望間真是流金兼鑠石定應焚澤更
焦山清涼只有仙侯府長久永傳瑪瑙盤

簡張都憲楊尚書鄭侍郎廖少卿丁寺丞

棘寺秋官接憲臺山光水色畫圖開青林雲氣當牕
見翠浪風煙入座來楊柳影中冠蓋過菱荷香外吏
人回好生正仰吾皇德共播仁恩遍九垓

再用前韻

鍾山南望鳳凰臺山下平湖一鏡開
近岸紫騮穿柳去沿堤畫舫采菱來
山禽將子飛還止水鳥啣魚去
復回無限太平門外景神遊何必訪仙垓

再用前韻三首

風紀都應屬內臺官清公道一時開
科條自是明天討門館何由有貨來
聲譽已知馳峻極文章况復動
昭回不須遍攬江湘轡坐見澄清匝九垓

廷尉刑曹與栢臺高門俱對碧湖開
天涵波影閑雲度雨雜泉聲爽氣來
此日官僚聯轡入往年鴈鷺候

文集卷之十一
朝回近來執法充宣朗應佐陽光燭九垓
刑曹理寺近烏臺坐對湖山畫障開芳草有情還漸
長好風無約自頻來移文謾想高人去聯騎頻同上
客固爲戀明時歸未得思親空復誦南垓

戲作遊仙用前韻

瓊瑤萬仞中天臺珠宮貝闕參差開靈風響下碧虛
裏連翩鶴馭仙人來鈞天揮綽九奏畢羽衣搖曳萬
舞迴後天不老凋三光排風馭氣遊遐垓

海中湧出金銀臺陽烏濯耀蒼烟開弱水瀛洲不可
到鸞輪鶴馭相往來洪濛開闢幾萬古桑田走馬能

千迴抱一之子可輕舉相期并漫遊九垓
銀屏金屋瑤作壘化人宮殿中天開東見蓬萊水清
淺西去幾復青島來雲錦之裳文五色倬彼雲漢
昭回下視九域一毫芒何異蟻蝶飛塵埃
仙山中有學仙臺凌虛上接天門開青衢黃道倒影
出望舒日馭東西來玉宇無聲彩雲濕雲漢屈注萬
里迴寥廓無鄰安可極重陽之數歷九垓

樵雲野老

白頭已與世相違笑指生涯在翠微伐木忽看雲滿
斧束薪不覺露沾衣息肩頗向青林歇荷月長從綠

地終古猶存虎踞形萬里長江通海白三山遠岫入
天青登臨不盡千年意擬與丹崖共結盟

鳳臺春曉

金陵千尺鳳凰臺臺上春雲向曉開綠草雨餘淮甸
合青山岸轉楚江迴謫仙此日知何在麗句當年未
易裁定鼎只今逢有道九苞行復自天來

江東古渡

江東門外大江頭古渡微茫接遠洲月窟殊方通上
國雲帆大舸滿中流垂楊芳草三春暮紅蓼黃蘆兩
岸秋顧我濟川才思少幾回臨想興悠悠

長江秋色

長江浩浩繞神京
霜落烟波萬里清
灝氣西來通灝瀕
寒潮東下接滄溟
幾行鴈影涵空碧
兩岸蘆花映月明
西塞山前秋色裏
夕陽惟聽棹歌聲

朝陽曉望

朝陽樓閣倚天開
日馭朝看海上來
晴旭乍分龍虎勢
清光已滿鳳凰臺
御溝水向東華轉
仙禁雲從北苑迴
玄圃瀛洲真在望
不須方外覓蓬萊

鷄寺晚鍾

上方臺殿翠微中
石磴盤崖一徑通
客至有風還掃

文集卷之一
楊僧來不語自鳴鍾竹窓下見浮雲白祇樹斜臨返
照紅自笑無生渾未學懶從方外共談空

太平堤望

太平堤路夾平湖湖上清風面面俱十里波光天上
下半空嵐影樹扶疎稻塍草色青無際菱葉荷花淨
有餘艇子有人閑泛泛釣竿還可拂珊瑚

送姚侍郎巡察雲南

望書英蕩使遐荒萬里山川草木光霜早楚江楓葉
赤雨晴蜀道菊花黃群芳擬欲除蕭艾百鳥還期識
鳳凰六詔遍巡歸奏日定膺殊渥五雲鄉

借馬簡趙駙馬

韜來白馬錦鞍韉騎向天街送表箋
霜鬣蕭蕭頻攬轡銀蹄剝剝不須鞭
蒲身香汗生微雪一路清風散曉烟
有馬借人今復見神京戚里最稱賢

題趙尚書慶壽圖

天官白髮老尚書致政歸來樂有餘
壽慶七旬新置酒祿辭千石蚤懸車
繡衣令子樽前舞蘭茁諸孫膝下趨
在席嘉賓何所祝公年更與大椿俱

送廖少卿上京二首

罷江五月發扁舟大理名卿上帝州
千里好山開翠

嶂兩堤楊柳蔭清流鳴鑣紫陌思前度簪筆黃門憶
舊遊若見中朝知己問丹心不改雪盈頭

理寺名卿得俊僚六年又促紫宸朝石城解纜江風
細淮浦揚舲海霧消入覲九天瞻日月聯班五夜聽
簫韶吾人久抱蒼生念清閒深期荅聖堯

和張都憲詠湖亭山字韻四首

憲臺佳勝占湖山湖上新亭白晝閑風送荷香來几
席日移竹影上闌干金塘水滿魚爭躍碧嶂雲收鳥
自還好景無邊渾負却何時同倚畫屏看

平湖萬頃倒嶺山山對湖亭白日閑長有好風清

起總無塵土暗相干簷前荷動知魚戲鏡裏雲開見
鳥還獨憶愛蓮周茂叔化機真向靜中看
小結湖亭面碧山山光水色共閑閑平連西塞波千
頃斜上東山日兩竿欄外靜看鷗鳥浴沙頭長見釣
舟還高人安得王摩詰盡寫風光入畫看
近愛平湖遠愛山雙清收入小亭閑雲容水態皆堪
賞俗氣紅塵總不干日靜坐聞黃鳥轉矧明遙見白
鷗還情知風月無邊景頻倚雕闌自在看

和張都憲詠湖亭波字韻四首

湖亭面面俯滄波一上湖亭景物多過去黃鸝穿翠

柳飛來白鷺點青禾乾坤上下義皇易日月東西織
女梭好在憲臺休暇日一樽同此養天和

亭下溶溶漾綠波菱荷花簇繞闌多却看嶺北千株
栢毳愛堤南萬頃禾漁父不收沙上網鰈人還織水
中梭坐邊生意皆堪樂雲雨天時日正和

高高亭子壓洪波獨占湖山秀氣多近岸還栽玄圃
竹遠洲時種玉山禾坐中造化乾坤鼎簷外光陰歲
月梭應有仙人來過此晚涼時節弄雲和

平湖靜鏡不風波最是湖亭樂事多留客每同歌棗
竹檢書還共誦嘉禾酒斟吐論如傾海令急傳壽似

柳校記得前時兩三會宛然風景是清和

湖亭小酌和張都憲韻

湖樹陰陰障赤曦湖亭偏與靜相宜坐中清氣時常滿堤上紅塵總不知莫羨遊山携謝妓何如行酒和陶詩永漿水果寒水齒宴樂無過盛夏時

和張都憲合歡蓮芳

憲臺臺下有蓮塘一種高荷迥異常乍見仙花開並蒂旋看瑞實結雙房垂垂共壓秋波淨葉葉同沾曉露涼絕勝當年連理瑞畫圓還擬進明光

次張都憲喜雨韻

中丞初自舞雩還便有風雲感會間布濩旋應彌玉
宇沾濡行復遍塵寰舊痕已沒湖中水新翠方添郭
外山自是有年今有象定知朝野聲交歡

次張都憲並帶蓮韻

綠池紅綻合懽花秀色天然自一家並結翠房含雨
露獨搖香柄出烟霞何曾人世時常見賸有風騷次
第誇自是太和充宇宙故鍾此物兆亨嘉

贈歐陽憲副

憲節重來觀九天論交不盡意留連休礪白髮三千
丈且喜青雲四十年老大可無新事業壯遊還憶舊

山川人中松柏君知否萬雪千霜獨挺然

送吳祭酒還南京

司成述職喜南還照日金衣出九關萬里春明天
蕩滌河水泮水漫漫行邊盡舫烟光薄到日橋門柳
影閑若見同遊舊知己爲言清絕憶湖山

送鄒都憲巡撫吳浙

皇仁遠布軫生民巡撫東南簡重臣天語諄溫頒鳳
勅雲帆縹緲泛龍津班行共識時名大郡邑爭看憲
節新行見霜風迴煖氣三吳無處不陽春

審錄後簡蕭羅兩都憲

碧梧鳴鳳應朝陽
龍勃頒來帶御香
寒江一時迴煖
氣幽潛隨處發
天光平反自可歸
臺憲欽恤惟應仰
聖皇還見星輶辭
輦轅恩波行復遍
遐荒

送武昌教授

武昌風土冠南州
郡博于今拔俊尤
拜命已應增士
氣趨程行復泛江
流汀洲蕙綠光風
轉沼沚芹香宿雨
收還似蘇湖人士
盛可無聲譽達宸
旒

送儀源檢校還寧國

贊畫宣州幾載間
趨朝此日又南還
扁舟行泛長江水
匹馬重過故里山
爲宦莫辭聲利薄
到官贏得簡

書閉渠家奕世多
卿相清節高風自可攀

送徐禔下第歸蜀

情知大器晚成難
莫向長途厭往還
曉日近辭丹鳳闕
晴霄遠入碧鷄山
搏空六翮應須養
進學三年未覺閑
隨計重來須有日
會看聲譽動天關

重恩堂爲韓雍都憲賦

有子乘驄秉憲鈞
疏封幾度到雙親
纔頒龍勅奎文動
又錫鸞封綵誥
新命服屢膺
逢盛世華筵
頻啓慶
長春重恩堂上恩
方至更駕忠貞荅紫宸

王寺副膺封

教子登科官棘寺推恩三載到親闈共看白髮宜烏
帽重喜蒼顏稱錦衣奕世榮名今亦少一門光耀古
應稀還當起閣藏龍勅長見奎文萬丈輝

王都憲展祭

天恩新許拜松楸又送中丞出帝州尚憶朝端裁獬
豸還看驛路躍驊騮鳳林迎節從天上鸞誥頒封到
隴頭忠孝兩全人共仰可無直筆繼春秋

送董長史

白髮交情四十春聲名又喜逐年新江都正學師前
哲洛下長才憶古人北闕從龍天廣大西山跋馬玉

嶙峋雲中到日多清興應有新詩寄我頻

寄楊尚書彥謚

尚書聲譽滿南都聞道年來興不孤弄瓦幾時添愛
女蔭官五品羨英雛量深往日尤能飲足健前時不
用扶還有水心亭似舊清香應滿博山爐

寄南京張尚書

每憶南京大司馬列卿遷轉自清朝舊臺百職餘風
紀新政諸軍仰教條聯榜可能懷未契同官端喜得
英僚惟應舊會知難再詩酒湖亭久寂寥

送王郎中還南京

文集卷之二
屢拜秋臺最好官三年考績又南還路分薊北山容
秀舟到江東水面寬粉署正當玄武畔青雲多在鳳
臺間他時還有清明譽會展鸞輪覲九關

題何司訓致仕卷

師名蚤不愧蘇湖引老南還出帝都驛路風和烟柳
細官河雨急浪花麤行看舊隱書連屋坐見交親酒
滿沽却恐迴轡來紫誥黃門有子拜官初

大理汪寺副父母膺封

龍勅歡傳出九重二親同日荷疏封一經教子聲名
著六品推恩寵渥濃樽俎喜開今日宴衣冠快覩盛

時風賢郎更盡廷平職還有迴鸞下碧空

輓邢檢討母

有子登科入翰林難將寸草報恩深和熊已作中宵
夢斷織曾勞往日心長憶紅霞裁命服空悲白髮映
華簪光榮尚自霑存沒留貺芳名照古今

送張福還平度州

三年報政遠朝天籍籍香名滿耳傳烏帽任添新白
髮黃堂已換舊青瑣大夫故自全三德父老何曾送
一錢莫道東歸人士悅璽書行復又徵賢

輓鄒都御史

丹梯早躡到雲端粉署三迴陟地官東長行臺邊鎮
蕭南持憲節海波寒髮因勤事年來白心爲輪忠老
去丹莫道淮南悲逝水豐碑行見故鄉刊

送孫縣丞

匆匆別我意如何領節之官古泰和舟到九江秋水
濶路經五老好山多明時三尺應須守暇日雙松定
可哦好在家聲能自振三千還擊大鵬波

送陳脩謨使高麗

萬國來朝通九譯一朝持節使三韓州開碣石行邊
見日出扶桑馬上看玉燭正調王道盛天書大布遠

人惟歸襁不辭千金橐留取清名字宙間

送李憲副回山西

上林三月柳花飛又送青驄出帝畿別路爭看迎憲節過家應自舞斑衣恩光北極懸紅日行色西山入翠微風紀重臨還自保更馳清譽到彤闈

送山東賈叅議

藩佐于今選俊良霜臺御史獨名揚方承北闕恩光大未覺東州道路長雨過魯郊桑椹熟風來歷下水花香旬宣海岱雖云樂玉鑑冰壺未可忘

送人歸閩中

天垂雨露萬方同冠帶南歸喜氣濃溪渡檣櫓和水
暗林穿荔子遍山紅到家定有詩書在對客寧教酒
盞空珍重高年崇禮讓七閩自古尚儒風

送張司馬致仕

荆南風景古來嘉六月樓船想到家沙市水添三峽
漲渚宮雲接五溪霞逢時都憲人皆仰致仕尚書衆
所誇還有丹心思報國曲江樓上望京華

送張侍郎還河南

還家爭看少司徒千里光輝出帝都舊直黃門遺事
業新乘彩鷁問征途河分衛水如鋪練山到中州似

舊圖結社應多鄉友在論情不盡滿金壺

天順元年六月初十日上章告老未允十一日

又請十三日又請至二十一日衆

允出京師舟中賦七首

遷轉春官入翰林兩明清秩受恩深論思未有回天
力供奉空懸捧日心六十故知年漸老尋常唯覺病
相侵乞歸自是安衰劣俯仰清風愧古今

病懷災與世相違疏乞歸田詔許歸辭闕猶霑光祿
酒束屐送有尚方衣兩京水陸尋征路三晉山河想
舊扉金馬玉堂回首處青霄唯見五雲飛

老病何堪污玉堂。乞恩優詔許還鄉。
歸鴻絕漠情知遠。倦鳥投林意覺忙。
但想溪山行處好。不妨園圃到時荒。
退休自是昇平事。祇道閑中歲月長。

經世誰人志盡酬。古今回想興悠悠。
卽非有道身能退。自是無才老可休。
歸騎遠尋天井路。輕帆先放潯河舟。
家山到處知何日。汾水西風八月秋。

早曾拜疏乞歸田。羈絆虛名又幾年。
道德愈難期。往哲事功無復望。
時賢宦情似水。年來淡鄉思如旌。
目懸老病放還家。帝力不知何以荅皇天。
魚在洪淵鳥茂林。從來誰識古人心。
五湖高興應難

及三還清風不可尋
稀復卿雲光舜日
幾調元氣作商霖
獨慙愚老歸休晚
猶撫遺編慨古今
竊第歸登潞水船
罷休從此又言旋
西塗東抹三千字
北去南來四十年
欣戚情懷渾索寞
升沉聲譽總悠然
彤闥紫閣如天上
依舊清汾數頃田

送王憲使之四川

憲使之官雪嶺東
錦城樓閣倚晴空
莫辭道路三川遠
正喜車書萬國同
玉節自天隨爽氣
輶車到日振霜風
深期雅操清如水
行看香名達九重

內閣用唐人韻簡徐李許三學士

黃閣文章萬丈輝
青霄閑看鳥雲飛
魏甌鳳闕凌雲
迴宛轉鑾坡到
客稀屢草黃麻
依紫極常聯玉
筍侍
彤闈却慙老大
承天寵一字何
曾補衮衣

送孫輅之夔州同知

西南夔府古名州
別駕于今遂吐
遊霜落江寒經
白
馬浪平峽靜過
黃牛到官綺席
宜踈節行部山
氓在
惠柔發軔長途
深有望莫令聲
譽頓悠悠

新春喜雪

立春纔是第三朝
喜見春空雪亂
飄天上瑤臺應
錯
落人間玉嶺正
岩峩固知叶氣
乾坤滿頓覺遊
塵戶

鴈消却上小樓閑縱目八紘清思迥難招

寄蒲守徐孚

積石黃河遶郡流郡城高興自悠悠遠天雲淨仙人
掌近郭風清鶴雀樓頻寄鸞箋書可著所需藥物病
全瘳衛蘧衛武應難及進德深慚老未休

貞節堂爲王憲使母賦

婦道從來不二天近知王母踐斯言從教白髮三千
丈祇保清風五十年頒誥旌門今受賜養姑教子舊
稱賢一門盛事歸貞節堂上高名百世傳

讀邵康節擊壤集二十首

乾坤清氣產英豪大隱天津道德高雪月風花閑詠
詠溪雲水竹自遊遨畫前有易心能悟刪後無詩句
獨謠金薤琳琅垂萬世無窮雅興自滔滔
玄社千年有召封故應華胄產英雄居其舊業留餘
韻卜洛新居有定蹤後學難窺擊壤集先天都屬弄
光翁清風百世誰招得望斷高高送去鴻

三絕空餘贊易編千年圖象竟寥然人豪真自從天
挺義畫原因到已傳骨髓著書成大卷風花遣興有
新篇驪龍頷下明珠在誰測東溟萬丈淵

鳳在高梧不可招天津清隱結衡茅小車遊處情何

過犬筆揮時興自豪醕酎酒中心惻惻離披花裏思
切切空餘首尾詩堊世誰識秋風八月高

壯遊歸到洛陽居環堵蓬茅得自如外物不知軒冕
貴此心惟覺性天虛環中日月行無息靜裏乾坤樂
有餘首尾詩成情可見何須象罔索玄珠

六朝全盛大平時卜築東都得自怡每與真儒論大
道時從國老和新詩盃傾綠酒寧嫌淺車碾青蕪不
厭遲莫道千年清響絕知音還自有鍾期

皇極書成識者稀原從義畫見天機故應消長隨時
變一任行藏與世違楊柳堤邊風淡蕩梧桐枝上月

光輝無邊清興難收拾毛穎時時聽指揮

天津橋上聽啼鵲只是當時已惘然妙意都應窮卦

畫餘情聊爾託詩篇太和酒味濃還淡瓮隔蟾光缺

後園曾向行窩看兒戲不妨欹枕自高眠

手探月窟足天根悟盡羲圖造化原嘉遯有窩其優

蹇觀光無意羨飛騫詩成比賦猶堪詠道在希夷信

莫言勝日良辰留客處清風滿抱酒盈樽

盛時京洛足鸛鶴翁有無名與往還劇論直窮天地

外清吟多在水雲間榮枯任物心無繫消長隨時我

不關自得人間無味樂好詩留與後來看

掛風御氣復鞭霆歷覽無邊造化情隨分自能安至
樂翫心誰復識高明先天圖有年年運皇極書爲世
世經首尾詩成多寓興謂高白雪少人聽
笑傲林泉樂太平洛陽誰不愛先生嚴寒暑雨何曾
出溫暖清涼却解行金谷風和吹道服銅駝雨霽隱
車聲行窩十二閑游處父老兒童喜送迎
人情物理總分明七十年來老洛城只向窩中耽至
樂却於身外薄浮榮花紅柳綠隨時賞雲白山青取
次行還復振衣千仞上都無塵垢半星星

嵩山洛水舊神州結屋天津景物幽脩竹林中靈籙

習梧桐葉上露華流弄九古意誰人識戲筆新詩有
客求春煖秋涼出遊處無邊清興更悠悠

始終天地在胸中還似危樓出半空極論每生賢達
破閑談儘與俗人同巡行堤柳春搖綠點檢園花曉
綻紅風景滿前皆自得濡毫又見小詩工

外臣自昔有山巢不是山人索價高獨向杯中存變
理每從環內樂逍遙纔看園老分斑笋又見端明送
藥苗餘事盡從吟咏見感時懷古興滔滔

共愛先生共卜居天津水畔是吾廬陰陽燮理三杯
酒皇霸經綸幾卷書儒有清風生几席倍多明月照

處除生平祇是過人處贏得雙眉日自舒
老去吟多首尾詩賦和比興盡兼之陶鎔物象方知
富漏泄天機始見奇水面生風秋浩浩天心轉月夜
遲遲有九祇向閑中弄肯借高人試一窺

洛陽全盛想當時春煖秋涼任所之金谷名園花綻
錦銅駝古巷柳垂絲霜林高鳥爭歸疾沙浦冥鴻欲
不遲萬象有情渾自得詩囊還載小車兒

少年應自負雄才老悟玄機此意灰歲月風光情自
得山雲水石興悠哉一環理窟閑中見萬古天心動
處來寶匣瑤琴遺響在幾何人識伯牙懷

次王侍御韻

憲府乘駟舊有名今秋偶爾會蠻荆虹霓氣接風雲
氣珠玉聲隨咳唾聲萬里山川勞跋涉諸蕃部落待
澄清愧予無補虛持節賴有丹心老更明

平定州分司次江侍郎韻

乘輅萬里越河關報國寧辭道路艱首夏初離巫峽
水新秋又過太行山久知鴈塞妖氛掃載喜龍沙鳳
駕還白髮已承歸老詔陞辭不日覲天顏

寄王用章憲副

每從青濟憶同官抵隔滄溟一水寬我捧天書行萬

聖君持憲節按三韓封章入奏時名大驄馬巡邊將
膽寒雙劍有光常夜夜暫迴風雨未應難

附錄所贈二首

名利場中一夢醒知君渾不負蒼冥村醪且去隨時
飲澗水重來洗耳聽俗眼任他終日白山光還似舊
時清從教門外塵如海坐向空齋開聖經

右尚寶少卿朱祚

自許孤忠結主知居官寧肯論安危平反不愧張廷
尉三黜何慙柳士師已把一身中道立更看千古大
名垂到家莫廢韋編業伊洛高蹤尚可追

右吏部主事李賢

尚寶文未將

青筠煙門松翠枝高坐向空微聞聖錄

意斷大重來范平朝欲迎拜外錄群白出武機給御

本味參一夢羅帳春對不長藻真材蜀且走費粗

州結河漢二

風雨未熟機

天林



